

南
湘
詩
州



奉題 大箸南湘室詩稿

多少鬢眉成濁物平章風月讓紅妝樓名
花萼雙枝豔粥啜防風七日香滄海別添
朝士感功名還繞女兒腸讀君雞肋功名益壯志消之句益
佩抱負憐余慣被櫻花笑江戶年年作嫁
非常恤外子虞盒伯有櫻花詩及櫻花詞余愧未能和

乙卯三月朱統作於駐日使館之半櫻移



MG
1226
50P



3 2169 4549 7

一枝春

擘碎珊瑚悔輕把曲曲幽情傾吐知音暗數可
能惜春情緒揉酥滴粉且休羨友家眉嫵
春去也紅豆頻托寄語自調鸚鵡錢春云去
知何要自
將紅豆調鸚鵡
皆集中佳句也傷心在無言安只三癡情別恨

花前堪訴同心五綵此際又添新譜天涯咫尺

笑何事自增清楚集中燭影搖紅壺中天諸
闌傷離念別情意凄婉

題錦字應署聯珠小紅湯付

益夫同年以夫人所著南湘室詞集見示並索序

倚告以誌慨佩己卯三月弟林鵬翔拜稿



南湘室詩草

虞山姚

倩學

春暮遣懷

姚倩

世事浮沈漫共論
蕭蕭梅雨掩重門
畫屏病起寒猶怯
繡被香殘夢不溫
飛絮簾櫳春寂寞
落花庭院月黃昏
比來贏得消愁法
一卷離騷酒一樽

贈綺韶女史

姚荳

緣深一見便多情
羨爾襟懷水樣清
曾記芳塘初識面
垂楊陰裏聽蟬鳴

輕颺羅衣薄
彈鬟臨風玉立態
珊珊出羣標格誰堪

並清似梅花韻似蘭

冰雪聰明錦繡詞暮雲春樹惹相思自從捧讀瑤章
後幾度拈毫怕作詩

纔聞新雁唳長霄又見雙星渡鵲橋儂是愁中君病
裏一般辜負此良宵

子夜歌

姚倩

添罷博山香笑對銀釭立珍重並頭花勸郎莫輕別
冷月出疎林窺窗皎如雪試取瑤琴彈泠泠不成曲
冬夜抑何長怕展衾如鐵獨自倚薰籠心碎銅壺滴

歲暮感懷

辜負光陰感百端多愁贏得帶圍寬
沈沈簾幕爐烟裊寂寂房櫳蜡炬殘
爲理舊詞人轉嬾怕翻冷被夢
難安西風和淚看鴉陣倚徧闌干翠袖寒

供梅

姚 荳

點綴寒香映碧紗數枝也復態橫斜
晴窗伴我攤書坐不減孤山處士家

種梅

分得瑤臺絕世姿自鋤明月傍疎籬
此花本是羣芳首故占春風第一枝

探梅

姚 倩

聞道南枝次第開
衝寒幾度踏蒼苔
林間老鶴休相笑
爲訪春光特地來

畫梅

素縑香染墨痕新
倩影疎枝倍有神
嬾向東皇問消息
毫端繪出隴頭春

游春三絕句

姚倩

東風如剪草如絲
山色空濛夕照遲
一路杏花香不斷
酒旗高出綠楊枝
低鬟窄袖入時妝
綺陌風來撲面香
戲擲青梅驚女伴
隔花飛起兩鴛鴦

輕舟如葉過林塘一片澄波映夕陽閒倚水窗情脉
脉泥人百六好韶光

催妝

燭搖紅影照高樓欲褪春衫半帶羞料得新婚初卻
扇任人看煞只低頭
鶯聲嚦嚦破窗紗香夢惺忪寶帶斜慵倚妝臺嬌不
語倩郎爲整鬢邊花

新柳

細葉乍成條盈盈舞態嬌風流誰得似纖瘦小蠻腰

春閨

姚 莛

羅衣乍怯曉風寒一樹夭桃露未乾
笑執輕綃花外立撲將蝴蝶喚郎看

紅梅

不隨飛絮委香塵老幹橫斜獨占春
染得胭脂好顏色恐教妒殺曉妝人

暮春

嬾窺菱鏡卸雲翹無限相思瘦柳腰
一種深情誰解得夢回鴛帳可憐宵
畫欄慵倚自徘徊愁見荼蘼落又開
偏是關心梁上燕雙雙飛去又飛來

落紅如雨滿階墀
硯匣封塵筆網絲
絳蠟似憐春易去
臨風也解淚胭脂
薄寒料峭掩窗紗
風細爐烟一縷斜
十二闌干渾不倚
月明閒煞海棠花

前題

雨餘芳草自成叢
閒步空庭數落紅
最是多情雙燕子
頻啣花片過牆東
飛絮飛花春事闌
東風無賴儘摧殘
嫣紅姹紫飄零盡
惆悵簾前不忍看
綠窗晝靜柳圍簷
欲繡鴛鴦線
嬾拈半是傷春半中

酒無聊雙鎖翠眉尖
酒病春愁兩不支
海棠開後燕歸時
比來幽怨憑誰
遣只有消閒七字詩

前題

姚倩

量罷花輒日影遲
繡籠慵倚惜芳時
病中情緒春來
況只有簾前鸚鵡知
半窗修竹露華浮
簾外輕寒上玉鉤
最是園亭春欲
暮鳥啼花落不勝愁
如絲細雨潤苔痕
一樹垂楊翠掩門
燕子不來春寂
寂梨花滿地月黃昏

花到春殘惜已遲
鶯聲鈴語惹相思
多情最是翻飛蝶
猶戀餘香繞故枝

夏閨

姚 萇

涼風透疎牖
清景勝於昨
自掩碧紗窗
莫遣燈花落
香汗浸冰肌
蘭湯浴初罷
桐階風露涼
蟋蟀絮遙夜
銀漢月光明
露溼秋千索
一笑下閒階
悄把雙星祝
桐子墜空階
鴛幃夢初醒
庭竹正當窗
一片蕭騷影

偶成

姚 倩

池塘雨過晚生涼
風送菱荷細細香
最是撩人無限思
並頭花下宿鴛鴦

秋夜口占

銀漢斜明月半天玉階閒步未成眠如何一樣梧桐
葉纔着秋風便可憐

寄蕙儂姊

一自分襟後梧桐已着花不知緣底事夜夜夢君家
蒙贈簪花筆慙無咏絮才漫勞青鳥使幾度索詩來
芭妹歸後頗無意緒漏已三下猶不成寐恍惚
間至一處粉牆圍竹樓閣層層茉莉滿庭含
苞欲吐月明如水螢火爭飛正徘徊玩賞時
忽爲晨雞驚寤追思夢境宛然在目詩以誌

之

星星螢火點莓苔
茉莉含芳半未開
滿地月華人不見
夜深閒殺好樓臺

月夜感懷

桐陰小立怯輕寒
身世茫茫感百端
同是天邊一輪月
怪他偏向別人圓

即事

獨坐支頤景寂寥
一庭落葉雨蕭蕭
生憎昨夜西風緊
剪碎窗前鳳尾蕉

七夕

拜罷雙星獨倚樓
銀河斜掛月如鉤
頻年悔乞天孫巧
爲了聰明反惹愁

秋夜寄苙妹

無眠偏覺夜漫漫
紙樣羅衾不耐寒
從古多情添恨事
本來識字肇愁端
綺窗雨過蟲聲切
繡帳燈昏月影殘
一語贈卿須記取
秋風珍重莫憑欄

秋夜聞笛憶姉弟

姚苙

慵畫雙蛾倚鏡臺
相思底事日縈懷
情多轉覺情無着
夢好終嫌夢易回
月影漫移花影去
風聲偏送笛聲來
吟餘小立牆陰下
時有桐花點翠苔

聽雨

倚牀愁聽雨瀟瀟一點殘燈伴寂寥已是吟魂淒欲斷那堪窗外有芭蕉

寒夜獨坐瓶花搖落窗月依人寶篆烟消鴛幃夢冷追念疇昔寢不成寐挑燈書此并述近

況

更長漏短夢初回寂寂雙扉掩碧苔殘臘不教和恨去新春偏爲送愁來臂鬆條脫衫輕襯心比連環結不開自歎年年愁裏過羨君夫婿解憐才

前詩意有未盡續咏四絕句

那堪回憶十年前
嬌小曾經掌上憐
不是愁多書便少
省君情緒爲儂牽
舊恨新愁積萬端
負他窗外月團圓
空箱檢取嬌紅豆
幾度燈前反復看
悄倚鴛衾淚似潮
等閒虛度可憐宵
怕看燭影搖紅處
心已成灰恨未消
往事何堪徹底思
遣愁無奈寫烏絲
一箋寄與相思句
珍重啼痕好護持

除夕

紅搖歲燭照華筵
爆竹聲中又一年
飲罷屠蘇無箇

事小窗呵凍寫春聯

寄蕙儂二姊

繡被慵將瑞腦熏
病來寬褪茜羅裙
自憐知己無多
輩解釋芳心賴有君

題花下美人畫幀

薄暖輕寒正乍晴
階前芍藥綻紅英
高枝露滴雲鬢
溼嫩蕊香沾翠袖
輕春透玉樓初醒
夢聲傳柳院
恰聞鶯無言故傍濃陰立
卻恐郎窺分外清

疊前韻

姚倩

燕蹴新泥春晝晴
紅妍紫姹燦瓊英
藥闌倦倚鸞釵

譚芳徑微行鳳履輕
茉莉叢中驚睡鯉
海棠枝上聽新鶯
含情小語斜陽裏
人與名花一樣清

閨中雜咏

晚妝草草髻盤鴉
青粉牆頭夕照斜
多少離愁消未得
閒庭初展玉簪花
嬾賞花枝出繡帷
悵悵綺閣柳絲垂
幽禽不解人惆悵
日日窗前喚畫眉
深深庭院靜無譁
倦倚闌干日易斜
淚滴玉階君不見
秋來開徧斷腸花

無題

姚 荳

嬾卸雲鬢對鏡奩惱人春色上眉尖
豔情應恐嫦娥妒月到紗窗不捲簾

春日即景

姚 倩

輕舟搖過板橋西花壓茅檐柳拂隄
無數落英浮水面隨波流傍釣魚磯
鬢簪楊柳綠堆鴉薄薄羅衣短短釵
最愛平原新雨過落花香染踏青鞋

前題

姚 蒨

素手相攜踏軟紅綠陰深處語從容
低徊怕有游人至不看桃花只看儂

芳菲無限豔春城
啼鳥聲中欲斷魂
卻怪游人太無賴
道儂有約到前村

寄倩君姊

曉起捲簾看無數
飛紅撲風雨儘摧殘
不管花枝弱咫尺
渺音容空有書來去
別後思無窮相見反
無語君本善相思儂
素多煩惱欲訴比來
情不忍輕相告

柳絲

拂水籠煙阿那枝
纏綿千縷惹相思
柔情曾得征人住
南浦何須怨別離

柳絮

姚倩

縈階繞砌惜紛紛半入池塘半委塵
一院闌珊春不管捲簾愁殺樓人

踏青

姚 蒨

細雨潤天街鬢低墮玉釵落花紅滿地
香染踏青鞋

花影

姚 倩

非烟非霧印蒼苔一片春痕掃不開
半捲湘簾人未寢數枝和月上身來

春夜感懷寄蒨妹

細數更籌故故遲獨欹鴛枕淚如絲
鶯啼燕語都添恨絮落花飛任所之
別後情懷難自遣比來心緒怕

人知莫言咫尺能相見一日思君十二時

紗窗月落怨更遲挑盡銀釭嬾賦詩
蜡炬將殘猶有淚春蠶未死總抽絲
愁當深處偏難訴情到眞時不諱癡
贏得相思兩行淚爲君傾灑怕君知

春閨花落詞聯句

春風料峭春花香

倩

寂寂春閨春晝長最是春來春

色豔

菴

紅桃白李鬪芬芳
芳芳桃李春光好

倩

可奈

紅顏容易老宵來愁雨且愁風
惜花人替花煩惱

菴

寄語東風且莫吹留些餘豔慰相思
多情胃是樓前柳不待春歸已縐眉
妬花風雨來何速

倩

千紅萬紫

皆零落根觸春愁不忍看
蔭底事紅顏多命薄薄命
憐花更自憐
倩傷春爲賦落花篇
蔭幾回私向花前
禱
倩但願來春花更鮮
蔭

病起

姚 蔭

晝長風漾畫簾鉤病起心情怯倚樓
鸚鵡也知人意
嬾日高猶未喚梳頭

感懷和閨友原韻

如醉如癡結想頻倚闌愁見草如茵
願言懺卻傷春
思第一多情最損人

贈閨友

姚 倩

深院塵囂絕憑闌嬾賦詩天高鴉陣遠風靜雁行遲
善病憐卿瘦工愁笑我癡怕看窗外月兩地照相思

新秋

柳影參差落日斜蟬聲新透碧窗紗怪他昨夜無情
雨滿地飄零紅藕花

七夕偶成

一彎眉月映窗扉小院涼生暑氣微爲撲流螢花下
立粉香微糝碧羅衣
耿耿星河玉露零秋光冷浸水晶屏幽情欲向天孫
訴祇恐花間小婢聽

徙倚空庭不忍眠
夜深涼露溼秋千
箇儂詩思今宵好
閒握霜毫染彩箋

和作

姚 釐

銀河寂歷渡雙星
女伴相隨出戶庭
儂自無心將巧乞
且攜紈扇撲流螢

露涼未下雨
初收纔覺梧桐一葉秋
侍女不知人意
思喁喁絮語話牽牛

輕雲如練月如鉤
簾捲西風怯倚樓
拜罷雙星無限恨
砌階蛩語助人愁

秋夜有感

疎簾影透月朦朧羞向嫦娥訴曲衷蕉葉有心愁夜
雨海棠無力怯秋風露凝庭竹千枝碧霜染江楓萬
樹紅鴛枕獨欹思往事怕聽檐鐵響丁東

即事

玉階閒佇晚晴天深院沈沈半暮煙最是彎環三徑
裏海棠經雨可人憐
窺窗新月映溶溶小步閒階怯露濃花影一簾隨夢
斷悽聞四壁訴寒蛩
殘更數盡夜如年睡鴨香消寶髻偏滿院月華清似
水垂頭兀自弄鳴絃

同女伴納涼口占

姚倩

露涼蟋蟀繞階鳴
月色空濛夜氣清
彳亍中庭無箇事
笑持紈扇撲飛螢
月明如水浸窗寒
苔滑弓鞋露未乾
花氣襲人眠不得
夜深倚徧玉闌干

秋閨

姚萇

一味新涼透碧紗
竹爐烟散罷烹茶
戲將硯底書餘墨
學畫人間侍女花
月照梧桐滿地霜
醉餘無力卸殘妝
自憐胆小空房怯
留得殘燈伴夜長

病中自遣

姚倩

支離無奈又黃昏
藥鼎烟殘火尙溫
不是愁魔偏戀我
玲瓏心地易銷魂

咏秋海棠

脂點輕紅粉
粼香淚零幽徑一枝芳
西風倦倚嬌無力
疑是楊妃醉後妝

秋夕感懷

數徹更籌燈影孤
淡烟涼露太模糊
春蠶已死絲猶結
蜡炬成灰淚始枯
一枕餘醒和夢醒
半窗殘月倩花扶
秋來處處堪惆悵
葉落空庭翠疊鋪

寂寂迴廊月影遲
燈昏香燼獨支頤
事難如願都歸
命情到成魔
豈悔癡密意嬾從明月訴
啼痕羞爲鏡
奩知自憐身世殊
蕭瑟卻說年來勝昔時

中秋

姚 荪

露冷庭階溼風輕
翠袖寒無言倚珠幌
花影上闌干

雨窗感賦

姚 倩

繡幃寂寂掩重門
倚枕閒吟被未溫
半壁殘燈一簾
雨縱無離緒也消魂

重陽

姚 荪

纔見楓林染曉霜
一天風雨又重陽
多情最是東籬

菊卻耐深秋炫色香

落葉

梧桐庭院晚蕭蕭冷夢驚回意寂寥
燈火半窗人未睡夜深淒絕隔牆蕉
疎林荒徑劇堪憐添得秋聲到枕邊
最是蕭騷風雨夕擾人清夢不成眠

冬夜

姚倩

中庭風靜樹棲鴉翠袖天寒倚竹斜
明月似憐人寂寞故移梅影上窗紗

聽雨

姚苡

又是西風料峭天半牀燈影枕書眠尋常一樣芭蕉
雨聽到愁人倍可憐

庚戌新正九日爲倩君姊吉期爰賦四章以申

賀意

紫羅衫子翠雲翹喜迓雙成下碧霄簫鼓春城喧未
歇一輪月滿近元宵

盎然喜氣溢華房蠟炬高燒試晚妝窗外紅梅開似
錦未曾辜負好春光

錦幃繡幕怯春寒無力梳頭對鏡鸞底事低徊羞不
語水晶簾下有人看

畫眉新樣費揣摩
品茗談詩韻事多
月上紗窗人未寢
豔情瞞不過嫦娥

早起

碧紗窗外透晴光
侍女鈎簾罷曉妝
欲折花枝轉惘悵
怕驚蝴蝶過東牆

咏桃

露井香凝日影偏
丰姿綽約小庭前
因風柳絮紛紛舞
錯認紅梅着雪妍

筱娟姊以鍋韻詩見示
次韻二章班門弄斧不值
方家一哂

姚倩

興來莫問夜如何酒飲千杯不厭多月上梅梢人悄
立敲冰親試紫銅鍋

連朝小病奈愁何顧影腰支瘦削多輸彼大觀村嫗
樂如牛食量大於鍋

庚戌春隨外赴吉闈中諸姊妹以詩送行驪唱
在門匆匆不及作答長春旅次寢不成寐率

賦五章即寄

鷄鳴茅店曙光寒草草梳頭掩鏡鸞輸與尋常幽閣
裏妝成猶自倩人看

北風颯颯覺衾單旅館燈孤客夢殘記得去年春病

起重裘尙怯捲簾寒

繡簾半掩散餘溫
酒入離腸易斷魂
坐久無聊眠又早
最難消遣是黃昏

打窗風雪夜蕭蕭
回首江南萬里遙
省識相思了無益
泥人最是可憐宵

客裏光陰感不禁
征車歷碌夢難尋
新詩一紙愁千斛
莫當尋常風月吟

贈苙妹三首

淡畫春山粉略施
羅衣輕稱小腰支
徘徊笑泥檀郎問
今日新妝可入時

詩情畫意兩纏綿
料得芳時逸興添
況復香閨工雅謔
不教愁緒上眉尖

嬌女聰明正倚床
畫眉窗下好時光
遙祈來歲春風裏
爲賦新詩賀弄璋

吉席同來閨友忽
有言旋之舉客中
送客倍難爲情賦
詩贈別曷禁感慨
係之

殘燈半爇雨廉纖
未到分離已黯然
懶唱驪歌音宛轉
怕聽絮語意纏綿
羞將別淚人前灑
難免迴腸去後牽
莫怪臨歧反無語
恐君情緒爲儂添

子威姉丈以近作
索和芳馨悱惻如
見其人珠

玉在前未敢下筆勉成五十六字即書其後
一往情深不自持團香鏤雪寄相思勸君莫作多情
語越是多情越是癡

分明一字一珍珠和到佳章攔筆思莫怪儂心太傾
倒除君無可與論詩

小瓶供折枝參差有致詩以賦之

膽瓶斜插兩三枝疎密天然入畫姿伴我芸窗消永
晝一杯清茗一聯詩

秋夕

玉壺傳點夜三更風雨敲窗夢不成獨坐挑燈誰是

伴茜紗窗外聽蟲聲

步月感懷寄倩姉

姚 荃

露溼空階翠袖寒
醉餘慵倚玉闌干
遲眠爲惜清光好
此景人生幾度看

病況

姚 倩

風鎖冰簾雪滿墀
臥疴偏值歲闌時
斷來口味惟餘藥
愁懣胸懷只有詩
鄉夢正酣憎婢喚
帶圍頻減恐郎知
自憐病體支難久
猶把平安慰別離

病中示弟妹

懶把幽情寄錦箋
故園回首別經年
離懷入夢思尤

切病骨逢春瘦更添日滿鴛幃猶戀枕塵封鸞鏡怯
開奩負他夫婿殷勤意卜徧牙籤少吉占

寒夜

姚 蒨

蘭缸紅燄一花開自撥寒灰背鏡台明月不知人意
倦夜深還上小窗來

殘梅

幾日輕陰釀雪天夜來風雨最情牽南枝破曉關心
數尚有疎花數朶妍

贈惠哥

姚 倩

相思欲訴話偏難且把離顏仔細看錦帳四垂燈半

炮秋深午夜不知寒

沉烟一縷裊如龍
昨夜新涼力轉慵
卻怪檀郎太無賴
並肩笑語故喁喁
談詩品茗樂如何
羨爾蘭閨韻事多
料得嫩涼明月好
定將好句泥郎歌

秋夕即景

一窗涼月影模糊
雨過莓苔溼翠鋪
爲賭新詩拈險韻
拚教閒卻繡工夫

哭通兒

香消睡鴨漏遲遲
正是嬌兒玉化時
莫更新正書吉

語爲兒先賦斷腸詞

半年珍惜曇花似一旦相拋孰不悲膝下乍離兒莫
憾泉臺一樣有慈帷

苦盼音書夢不成天涯歸信太沈沈傷心昨夜彌留
際枕畔猶聞索乳聲

寂寂房櫳夢易驚靜聽簷滴最關心夜深風雨涼如
許小小孤魂恐不禁

清才濃福本難兼莫把牢愁怨上天空有傷心千點
淚烏能流得到重泉

清晨稽首向蓮臺默把幽情禱一回玉燕投懷如有

日願兒依舊膝前來

飛絮穿簾落花點砌春光將暮游子不歸撫景

懷人未能無恨濡筆賦此聊以代簡

游踪底事殢天涯放棹西泠願又賒學淺愧無詩織
錦情深應有夢還家多愁空佩宜男草久別差簪夜
合花一語贈君須記取莫教辜負好韶華

不寐有感

一穗銀燈映綺寮關情好夢戀前宵

曾於前夜
夢見通兒

燒殘香

字心猶熱拭盡啼痕怨未消開徧海棠春有限靜聽
蓮漏夜無聊隔簾已似天涯遠況更關山萬里遙

和閨友陳定文原均

奉讀瑤章已隔年，揮毫想見落雲煙。才華自古能妨

福，修短難將理問天。

女指士靜芬

憐我客途多潦倒，羨君

兒女盡英賢。他年願列門牆下，可許追陪侍講筵。

天涯又值早春時，世事紛紛任所之。檻外櫻花初破

夢，庭前柳葉未舒眉。泥郎窗下同分韻，約弟燈前對

奕棋。自愧比來疏嬾甚，竟無佳句報君知。

簾波匝地掩窗扉，無賴春寒戀客衣。寶鼎風微煙裊

篆，長隄雨過草抽肥。青山冉冉雲初起，翠箔盈盈燕

乍歸。多少鄉愁消不得，憑闌兀自對斜暉。

雨窗岑寂百感茫茫鴻燕不來故園書杳剪燭

賦此即以代簡

新愁舊恨兩茫茫倚徧熏篝嬾上床盼斷家書如夢
杳數殘更漏怯宵長嘗來蓮子心逾苦嚼到梅花頰
自香燕子不知春色好偏來北地覓雕梁

東瀛寓園有松柏數十株傍餘隙地一弓以梅
花補之

茅檐竹牖傍山涯小住何妨便當家儂自携鋤君抱
甕一庭明月種梅花

曉起

無語坐鈎簾清氣軒眉宇花霧綠濛濛宵來有微雨
新晴

玉階雨過淨無泥牆角依稀夕照微卻喜門前春水
漲苔痕綠上釣魚磯

無聊

睡起殘妝嬾更添無聊閒立小庭前數聲啼鳥冥濛
雨便不思家也可憐

戲效東妝

七尺菱花徹底寒髻翻新樣倩人盤妝成欲起還羞
怯幾度徘徊對影看

風雨匝旬木葉凋落竟似江南深秋天氣兼之

外子歸國久無音信獨居海外倍覺無聊賦

此緘寄故園姊妹

駒隙光陰去若馳別來又屆菊花時金釵典盡綠沽
酒銀燭燒殘尙索詩島國逾驚秋信早愁懷每恨雁
書遲江南滿目皆烽火西望鄉雲淚似絲

家門瀛海兩迢迢萬斛離愁倩酒澆月下思君雙淚
落天涯憐我一身遙羊腸世路馳驅倦鷄肋功名壯
志消何日始能遂初願湖山深處共編茅

寄外

一鉤涼月透疎簾獨倚銀屏不忍眠昨夜西風吹夢
醒客衣悔未爲裝棉
嬾整殘妝倚繡籠離愁壓損兩眉峯開緘細讀相思
句別有幽情一萬重

十月十五夜索志鳳弟和

含顰悄悄倚闌干菊漸舒黃露漸寒今夜月輪圓似
鏡天涯照得幾人歡

志鳳弟留學日本偶以詩來依韻和之即以代
簡

姚 荳

珍重臨岐語萬千客中冷暖自週旋春風如剪征衣

薄莫愛清光夜不眠

休嫌踪跡滯天涯四海由來盡是家
更願郵筒勤往返安排雅韻詠梅花

原作

負笈東游路幾千不知何日始言旋
生憎板屋瀟瀟雨慣擾羈人徹夜眠

離親別友寄天涯每到春來倍憶家
卻喜課餘無俗事一樽濁酒對梅花

暮春即事

用倩君贈陳女士韻

到眼滄桑又一年喜聞境外息烽烟
小園蜨舞初長

晝深樹鳩啼欲雨天靜理琴書聊自遣放懷今古孰
爲賢笑他女伴多情甚擬送春歸設餞筵

落紅砌畔積經時雨打風吹且聽之好向晨昏娛二
老嬾將深淺畫雙眉韶華每負花前句勝敗偏明局
外棋歷盡酸辛多少感寸衷默默怕人知

鎮日無聊且掩扉嫩寒時襲舊羅衣年來唯覺吟情
減春去偏憐綠意肥萬恨千愁誰我慰三秋一日盼

君歸

諗倩
姊倩

兒童不解韶光老戲撲楊花趁夕暉

閨怨

限溪西雞齊啼韻
六七八九十百千萬
嵌一二三四五
丈尺雙半字

姚倩

疎星三五映清溪六曲迴闌月半西盼斷尺緘嗔薄
倖驚回好夢惱鄰鷄百千萬丈愁絲亂七八分春綠
意齊二十四時腸九折怕聽翠羽一雙啼

十丈青山九曲溪

時客本青山

結鄰五六水村西尺書雙

剖江中鯉半夜頻聞屋角鷄一二三間茅舍穩百千
萬个竹陰齊早秋七八分寒意已聽蟲聲四壁啼

前題

姚 蒞

一帶垂楊九曲溪家居二十四橋西千行淚燼三更
燭百丈情牽五夜鷄萬古姻緣誰美滿雙修福慧本
難齊韶華七八春過半六尺屏山聽鳥啼

紅樓百尺傍清溪十二闌干曲折西四壁蟲聲三轉
柝半床殘夢五更鷄深宵賭酒敲雙陸重九題糕限
八齊六七分秋千丈思萬愁併作一番啼

感時

依前限韻嵌字

雙椽矮屋半灣溪四面泥牆夕照西五六牧童春放
犢二三稚子暮呼鷄米珠升斗百千值布帛參差丈
尺齊老幼一門七八口十年九饑萬家啼

秋夜感舊寄苙妹

姚倩

獨坐明窗下淒然欲斷腸一燈搖瘦影四壁泣寒蠶
蕉葉凝新露黃花吐晚香傷心思往事憔悴惜韶光

慣倚嬌痴性偏憐父勝娘背師偷出學攜弟捉迷藏
有悶憑君釋無言不我商敲詩宵剪燭賭酒日飛觴
薄病親調葯輕寒替易裳冬爐同撥火夏簟共招涼
一旦離筵設悠悠別恨長鄉書阻烽火歸夢隔重洋
姜被何時暖關山路渺茫輸他天際雁飛處總成行

秋風

姚 萇

虞嶺秋光異若耶商聲到耳正無涯蛩音切切淒於
笛楓葉離離豔勝花一桁簾波何蕩漾幾絲香篆自
欹斜深宵鐵馬聽鳴咽疑是邊關奏暮笳

秋雨

如此秋霖九月中敲殘荷葉碎梧桐風穿籬落欺寒
蝶涼逗江鄉叫斷鴻薄蘚漸侵凌亂碧新楓已作淺
深紅清愁欲共層陰結信筆閒吟句未工

聲：慢用麥瑞博君題執衡館詞選均

卷波纖恨香篆辜愁紅闌淚染輕綃姊妹花前新
歌律呂初調臨風自成珠玉撚吟髭堪笑文簫蓬
山近恹征人偏遠遠遠詩招集中有寄外
詩情詞俱渺今日文章
覆詠歎錦心編。只是無聊別樣清清相看翡翠
蘭言平生為誰傾倒恐蛾眉恨未全消櫻花裏
遇情裏遠寄碧雲

乙卯春李死於林鴻翔

奉題 大箸南湘室詩餘

天上霓裳節奏新步虛殿裡記前因
魂銷瘦影李清照淚滿春衫朱淑真
翡翠一雙花作伴今姝詞並佳妙闌干十二月窺人大俗有闌干十
二少箇人玉田妙諦心心印大俗深得樂
同倚之句笑翁清空之旨未許無鹽強效顰

乙卯春季語水林朱純拜稿告同客



南湘室詩餘

虞山姚

倩學

金縷曲

哭淑寅表姝

姚倩

往事空悲咽最傷心
珠沈玉碎花殘月缺
記得連床同聽雨
細訴頻年衷曲
回首憶踏青時
節品茗溪山閒眺望
看行行畫舫衝波
急任細雨沾衣溼
無端杜宇催離別
惱匆匆梁溪棹發
曉風殘月潭水桃花
春易逝贏得迴腸如
結燕歸來人偏永訣
最痛遺珠猶襁褓
忍教他中夜呱呱泣
歌一闋愁千斛

一斛珠

雨夜懷倩姊

姚倩

柔腸千結秋風愁損雙眉葉夜闌怕展衾如鐵枕淚
簷流隔着窗兒滴故人咫尺無消息空餘兩下離
愁積見時儘把相思說祇恐相逢又早成離別

前調

月夜懷倩姊

蘭缸明滅峭寒簾外西風急鏡鸞羞覩雙眉葉一寸
心頭如許離愁積秋來處處添悽絕砌蛩酸和砧
聲咽月明休傍闌干立月是團圓儂是傷離別

高陽臺

閨友秀松數月相聚忽爾言歸別後卻寄

姚倩

萬種離懷千般別緒平生總爲多情嬾整殘妝倚闌

幾度沈吟年來幽恨憑誰見只天邊明月分明最淒
清簾幕沈沈庭院陰陰兒家本是工愁者更知音
人去顧影零丁月下花前教儂怎不傷心早知如此
相思苦悔當初容易相親到而今卿自思儂儂自思
卿

蝶戀花

春暮

莫問春來愁幾許一捻腰支寬褪鴛鴦縷脉脉芳心
誰與語自將紅豆調鸚鵡寂寞閒庭飛柳絮拈得
金鍼欲繡無情緒獨立花前詢杜宇春歸畢竟歸何
處

蘇幕遮 春日書懷

綠初齊紅未老，越是春來，越是添煩惱。
閒倚妝臺人悄悄，越是相思，越是音書杳。
鬢雲鬆香篆，裊裊越是黃昏，越是輕寒峭。
雨雨風風，偏撩繞，越是無眠，越是天難曉。

蝶戀花 送春

畫閣悵悵春幾許，簾捲簾垂，都是傷春緒。
柳倦花慵春已暮，那堪春過清明雨。
小院鵲啼春喚去，芳草萋萋，春遍天涯路。
儂喚春回春不住，餞春春去知何處。

踏莎行 春閨

香夢惺忪晝長意倦綺窗日暖芭蕉捲無端春恨鎖
眉尖玉人悄立薜蘿院 兩箇黃鶯一雙紫燕桃花
亂颭胭脂片踏青女伴昨朝歸鬱金裙染香泥徧

又

綠怨紅愁蜂慵蝶倦抬身懶把珠簾捲楊花不管別
離情等閒飛入深深院 窗暗新陰梁喧雛燕金爐
裊盡沈檀片比來無意繡鴛鴦闌干十二斜憑徧

前調 前題 和倩姊用原均

姚 蒞

綺夢初回晚妝猶倦滿窗花影和簾捲月明何處玉

簫聲東風吹過梧桐院 懶數飛花怕聞語燕情絲
織就愁如片王孫有約不歸來萋萋芳草天涯徧

又

綺閣春回綠窗人倦一庭柳絮東風捲十分無賴是
鴛鴦雙棲故傍梨花院 徑曲啼鶯日長飛燕遊絲
不繫桃花片曉來莫更倚闌干閒階經雨苔生徧

虞美人

春日病起懷蕙儂兩首

姚倩

海棠枝上鶯聲巧好夢頻驚覺連朝小病忒慊慊一
任鬢偏釵彈不開奩 湘簾半捲房櫳靜翠竹搖清
影繡餘無奈日遲遲自剪窗前綠蠟寫新詩

小窗寂寂輕寒淺離緒難分剪金爐烟篆裊如絲織
就相思萬縷寄君知池塘春草叢叢碧都是消魂
色今宵明月正團圓可惜無人同倚玉欄看

如夢令

惜春

姚 蒨

鶯嚶柳梢春老堆徑落花慵掃獨坐小窗前自理繡
餘殘稿煩惱煩惱腸斷天涯芳草

前調

前題

和蒨妹

姚 倩

夢醒一燈如豆滿架荼蘼香透曉起照菱花更比去
年憔悴憔悴憔悴贏得梅花消瘦

菩薩蠻

雨後小園散步偶成寄蒨生妹

園林雨過添新翠
青梅顆顆枝頭墜
雙燕不歸來
海棠花已殘
玉階閒佇立
苔滑弓鞋怯
無計遣相思
憑闌獨賦詩

前調 寄倩姊即和原韻

姚 蒨

晚妝慵畫雙眉翠
玉釵重壓雲鬟墜
薄倖不歸來
燈殘夢亦殘
無聊還起立
風冷羅衣怯
莫道不相思
愁多懶賦詩

前調 獨坐無聊再用原韻寄懷蕙儂姊及外子

姚 倩

夢回眉鎖雙彎翠
雲鬟亂擁金釵墜
花影入簾來
篆

煙香未殘 卸妝閒起立小膽空房怯何以慰相思
消愁只有詩

如夢令 中秋

涼瀉碧天雲靜百和香燒金鼎玉宇淨無塵處處清
輝相映忘寢忘寢露溼闌干猶凭

點絳脣 春閨

綠暗紅稀那堪簾外蕭蕭雨數聲杜宇報道春歸去
春去春來總是無情緒愁如許杏花深處燕子呢
喃語

前調 惜春

姚 莛

鎮日慊慊東風不爲吹愁去最無情緒一枕黃昏雨
楊柳千絲盡是相思縷春將暮翠眉慵畫閒卻鴛
鴦譜

前調 聞砧

冷透疎櫺秋風不管羅衣薄嬾敲棋局夜靜燈花落
刺耳寒砧露溼秋千索驚人覺隨風斷續聲和清
宵柝

浪淘沙 秋夜感懷

姚 倩

寒氣透重簾細雨濺濺殘更數盡夜如年蟋蟀玉階
鳴不住轉輾難眠 顧影自生憐淚溼吟箋蒼茫身

世奈何天回首那堪思往事幽恨縣縣

金縷曲

小窗獨坐春光將盡綠陰滿庭感念疇昔無可自解聊寄長調以遣悶懷即呈蕙儂姊

幾度眠還起最無聊絮飛花落困人天氣刻翠題紅
多少恨誰會詩中情意怪底事聰明相累數載飄零
如斷梗歎他生未卜今生已更羞說誰知己頻年
況味從頭記最堪憐家貧親沒伶仃弱弟世事浮沈
何足問畢竟此身如寄憑闌處藕絲風細兩地茫茫
空繾綣儘消魂彈盡相思淚無限恨憑君慰

菩薩蠻

迴文兩首

個人愁處垂簾繡繡簾垂處愁人个單枕怯衾寒寒
衾怯枕單 睡餘留薄醉醉薄留餘睡釵鬟髻雲斜
斜雲髻譚釵

捲簾新月明窗滿滿窗明月新簾捲清露浸衫輕輕
衫浸露清 薄羅愁腕弱腕愁羅薄花落舞風斜
斜風舞落花

虞美人

送春

姚 莒

連朝風雨增蕭瑟吹淺桃花色一絲烟篆裊房櫳餞
得春歸人病又添慵 落英滿地無心掃硯匣塵封
了小園紅杏已飄殘時有雙飛乳燕入簾來

滿江紅

倩君別後正值春暮絮颺晴風花飛紅雨離懷蕭索淑景闌珊感而賦此

屈指春來纔轉瞬又看花落關情處海棠紅冷杜鵑啼血雨裏桃花憐薄命風前柳絮傷飄泊歎玉顏如此委泥中東風惡心上事憑誰託愁與恨常盈握看園林處處俱遮新綠人事漫隨花事換離懷偏共春蕭索正碧紗窗下試輕衫香羅薄

前調 冬夜感懷

姚 倩

悄倚熏籠繡幃冷透西風急更那堪寒衾獨擁殘燈明滅舊約已隨流水去新愁疊疊如山積聽孤鴻天半一聲聲添悽絕思往事空陳跡憐別緒淚珠滴

恨韶光如箭蹉跎歲月顧影自憐雲鬢改蒼茫身世
憑誰說歎今生事事不由人嗟何極

燭影搖紅

寄蕙儂倩君二姊

姚 蒞

亂綰雲鬟入時羞問眉深淺多愁天付善相思鎮日
柔腸轉好似影兒般慣別經旬令人懸盼何時相見
見又無言不如休見欲寫幽情情長可奈雲箋短
漫言咫尺易相逢更比天涯遠無那落紅飛散柳千
絲空垂青眼晚妝初罷明月窺簾梨花庭院

前調

寄蕙妹即和原均

姚 倩

一日三秋別來莫問愁深淺多情自是總多愁怎不

柔腸轉況是別離未慣更那堪你懸我盼無從得見
莫說無從夢中曾見欲訴相思夢長可奈春宵短
休言咫尺似天涯心近身兒遠怪底彩雲易散剔銀
燈盈盈淚眼曉星將墜竹影橫窗月斜深院

滿江紅 七夕

迅速韶華纔轉瞬月圓又缺關情處蓮房露冷芙蕖
零落倚檻且教鸚鵡語憑欄羞覩鴛鴦浴喜新涼昨
夜透銀屏鳴啼鴂心上事蠶絲縛愁與恨眉常蹙
聽茜紗窗外風敲翠竹醉後空彈千點淚愁來然盡
三條燭正鵲橋此夕渡雙星纖雲薄

菩薩蠻

春暮

姚 荪

楊花飄盡東風倦
捲簾羞見雙飛燕
雙燕語簾前
韶華又一年
漫拈紅豆玩
瘦減腰肢半
無計遣春愁
黃昏獨倚樓

虞美人

苙妹新婚歸寧填此相戲

姚 倩

春心無那腰肢瘦
諳盡愁滋味
懶窺鸞鏡理殘妝
妬殺雙雙蝴蝶宿花房
侍兒忽報檀郎至
簾外偷相覷
無言何事只低頭
祇是別時牽掛見時羞

又

晝長人靜垂簾幕
花影當窗午
繡籠斜倚鬢雲鬆
添

得睡餘情緒上眉峯
個人咫尺天涯杳望斷青青
草見時莫訝減容光
鎖日爲郎憔悴罷新妝

滿江紅

述懷

姚 荳

門掩黃昏篆爐香冷砧聲急
更那堪敲窗風雨助人
悽絕鬢影易從明鏡改
牢騷都倩毫端洩恨愁魔何
事苦相纏情難說
思往事空悲咽提舊恨愁凝結
歎年來歷遍生離死別
夜靜暗彈千點淚人前強展
雙眉葉問箇中心緒有誰知
天邊月

賣花聲

春困

香夢半惺忪倚枕還慵峭
寒簾外又東風兩鬢亂雲

堆未穩自背人櫳 小苑杏花紅碧草茸韶光何
事轉愁懷多少傷春離別緒齊上眉峯

前調 春慵

姚 倩

春去太匆匆鏡匣塵封十分無賴是東風謝卻海棠
飛盡絮零落殘紅 幽徑露華濃嬾步芳叢半緣酒
病半緣慵縱愛呢喃雙燕子不捲簾櫳

望江南

蕙姉首唱余與葭妹各和三首

秋光好羅袖自生涼楊柳臨風飄翠帶芙蓉經雨洗
紅妝蟲語絮迴廊

秋光好籬菊正芬芳桂蕊蘭英齊歇絕魚莊蟹舍獨

徜徉風雨近重陽

秋光好明月正當空
風冷玉階鳴蟋蟀
露寒金井墜梧桐
燈影閃簾櫳

又

姚 萇

秋光好人月正雙清
天上良辰推七夕
閨中韻事話雙星
小扇撲流螢

秋光好銀漢月光明
香透珠簾風有味
涼生玉砌露無聲
庭院夜沈沈

秋光好獨坐伴銀釭
四壁蟲聲和夢遠
一簾花氣載愁降
對影自成雙

附錄蕙姉原作

秋光好獨自倚闌干素魄娟娟良夜淨銀河寂寂
雁聲寒桐子墜來圓

菩薩蠻

秋夜同蕙哥作

姚倩

遙天耿耿銀河淨月波一片梧桐影院落夜沈沈玉
簫何處聲露涼蟲語咽悄倚闌干立莫上最高樓
秋光滿目愁

前調

秋日寄外

西風料峭房櫺冷海棠泣露紅凝梗細雨潤莓苔秋
陰暗不開繡床閒倚處脉脉和誰語遙憶並肩人

相思無限情

前調 卽事

姚 莛

雨餘苔砌添新碧
低徊悄傍棠陰立
雙蝶上階飛翩
翩戀舞衣
輕紈原在握
不忍輕相撲
明歲此花開
知他來不來

菩薩蠻 迴文兩首

姚 倩

霧窗寒鎖春山暮
暮山春鎖寒窗霧
明月正風清清
風正月明
徑幽花弄影
影弄花幽
徑長夜怯空房
房空怯夜長
曲闌斜倚羞明月
月月明羞倚斜闌
曲煙草碧侵簾簾

侵碧草煙 鏡鸞臨瘦影影瘦臨鸞鏡花落怨啼鴉
鴉啼怨落花

南鄉子

秋夜不寐寄蕙姉

獨坐對銀缸蟲語砧聲總斷腸八尺龍鬚眠未得思
量辜負流蘇白玉床 月影過東牆籬荳花香透綺
窗儂爲悲秋君惜別

時姊婿
外出

淒涼兩地更籌一樣長

金縷曲

述懷贈閨友秀松

姚 荳

往事休題起更那堪滄桑零落舊時門第有酒難澆
愁萬斛誰念頻年心意不信道今生已矣青鏡紅顏
人未老向天涯歷徧酸辛味身世恨休重記 多情

自古拚憔悴漫牢騷蛾眉自是古今同忌二十年來
愁裡過贏得君稱知己憑闌處月明如洗一夜相思
千里共望遙天欲把窮愁寄無可奈空流涕

鬢雲鬆令

不寐懷倩君姊

雁聲悽梧葉墜纔着西風便覺秋憔悴無那病魔人
不寐夢已無聊況是醒時候篆消煙燈結穗紅猷
雙花羞照孤衾睡今夜月華清似水兩處憑闌一樣
相思淚

齊天樂

弔嚴烈婦

姚倩

虞山琴水鍾靈秀閭巷羣欽奇女絕粒心堅捐軀志

決日夜哀音吞吐荷涇

曹烈女

菱渚

鄧烈婦

正先後清標

一般昭著仔細評量斯人畢竟更艱苦

歐風又兼

美雨歎女界沈沈昏如雲霧節凜冰霜行誇金石如

此堅貞罕覩褒揚片語道巾幗完人

學使獎此四字

偏生蓬

戶謹熱心香輓歌填此譜

滿江紅 前題

姚 蒞

勞燕分飛驀變做杜鵑啼血心傷處桐棺一蓋此身
永訣地下殘魂呼不起人間弱質空嗚咽痛孀姑兩
鬢已星星難爲別 鄉曲女多奇烈九十日饘飧絕
聽鄰春罷相巷歌聲輟操比青松標勁節身如白璧

徵堅潔待旌揚巾幗此完人崇坊屹

燭影搖紅

新正二十八日侍君姊乘輪至滬即行赴吉余有小恙未克親送爰填短闋以誌感即用前寄

贈倩姊本調原均

萬縷千絲情深但覺江河淺臨岐不忍唱陽關預問
何時轉憐爾長途未慣細丁寧倍增懸盼今朝相見
明日天涯何時重見執手牽衣欲言不盡情長短
尋常小別尙魂消況是天涯遠簾捲楊花如散倚闌
干慵開倦眼最難消受風雨敲窗黃昏庭院

滿江紅惜別

一曲驪歌無可奈短長亭畔說不盡千言萬語迴腸

先斷小別君還多記憶
長途誰勸加餐飯
況明朝分手即天涯
何曾慣詩酒事誰爲
伴花月夜無心玩
染羅衣點點淚珠如
濺愁裏怕聞鶯乍囀
別來又早春過半祇將
他一紙寄來書千回看

生查子

夜坐

姚情

簾幕峭寒生
人靜燈花墜
懶卸鳳凰釵
悄擁紅衾睡
細數漏聲聲
今夜郎歸否
小語問雙鬢
可曉怎時候

減字木蘭花

春日無聊填此自遣

春風送暖遲遲長
晝深深院悄立閒階
細數花甄日影斜
眉痕雙蹙病來羞
說人如玉誰到堂前
忽聽

鸚哥喚捲簾

又

鳳帷春暖日高猶閉梨花院
懶步瑤階睡起慳慳雲鬢斜
纖腰一束情多贏得消香玉
獨立簾前幕見郎來故下簾

又

綺窗日暖秋千閒掛垂楊院
漫步庭階苔滑弓鞋鳳嘴斜
茜裙低束雙腮酒暈紅生玉
倦倚屏前滿徑殘英怕捲簾

前調 和倩姊原均

姚 蒨

嫩寒輕暖。翩躚蝴蝶。飛深院。薜印侵階。燕蹴殘紅瘦。
影斜。翠蛾輕蹙。春來瘦損顏如玉。嬾步庭前爲放。
鑪煙乍捲簾。

又

錫簫吹暖。連朝雨過。苔生院。風靜瑤階。一縷茶煙直。
又斜。細腰盈束。鬟鬆低鞦搔頭玉。竚立簷前戲撲。
楊花入畫簾。

附錄蕙姉和作

梨雲夢暖。乳鶯細細啼幽院。小立閒階。絮颺晴風。
整復斜。眉尖損蹙。微渦紅逗。溫如玉。携手窗前。

泥試春衫不捲簾

念奴嬌

送笠夫入都

姚倩

翠蛾顰蹙恨無情
杜宇枝頭催別誰道
澆愁須倩酒
醉後愈添淒切
三疊陽關一聲珍重
門外天涯隔知
音人去詩筒茗碗
虛設何時携手花
間並肩小院
踏碎瑤階月漫言
日遠長安近望斷
雲山千疊茅店
鷄聲征途馬足風
露君宜惜離懷多
少祇餘相對脉
脉

南浦月

夏日懷蔭生妹

小扇輕羅晚妝初罷
簾鉤起斜陽影裏
一帶山橫翠

雲布魚鱗新月如眉細黃昏矣闌干十二少個人同倚

卜祜子感舊

日暖蝶交飛風靜爐煙直檻外垂楊樓外山做出傷心碧
追憶十年前好事空陳跡慣倚嬌癡惹姊嗔
阿母偏憐惜

壺中天冬夜懷故園弟妹

寫怨填愁祜今生總被聰明耽誤記得連床風雨夜
不是者般淒楚小院悵悵羅幃悄悄伴着影兒守欲
眠難寐挑燈自起還坐思量別後情懷比來況味

未忍向君訴君本多情應會此祇恐更添離緒故國
書遙遼陽夢杳回首家何處新愁舊感此時卻與誰
語

百字令 聽雨有感寄倩君姊

姚 藎

雨雨風風正黃昏消受寒窗淒絕縱使無愁魂亦斷
何況乍經離別品茗花前敲詩月下往事成追憶自
從別後負他多少風月 長夜瘦盡燈花熏篝獨擁
細雨芭蕉滴寫就一緘遙寄與好慰鄉心千疊屈指
離君蟾圓三度勝比三秋隔萬千離緒相逢祇怕難
說

醉花陰 送春

深閨無計消清晝。鎮日閒銅獸。打疊餞殘春。柳倦花慵。報道春光透。韶華不管人消瘦。早淚盈羅袖。幾日怯憑闌。雨雨風風。做出悽涼候。

減字木蘭花

子威姊丈入都廷試賦此贈別

姚倩

韶光正好一鞭得。意長安道益我相思。落月穿梁夢醒時。歸期須早計。日泥金。覘捷報。別話無多。且把離懷付短歌。

畫堂春

杏燕所製錦題秀松妹共四闕

姚蒨

東風吹醉玉樓人。柳絲風約芳塵。呢喃簾外故生嗔。

似訴陽春 深巷明朝喚賣玳梁舊壘更新江南二
月草如茵細蹙眉顰

卜禰子 竹雞

涼意浸湘簾簾影篩瓊砌最是捎煙掠雨時聲振花
冠麗 擇粟讓腴紅拂石凝寒翠驚醒深宵起舞人
問此君知否

相見歎 楊柳翠鳥

依依綠徧春城雨初晴時樣眉痕頓蹙不勝情穿弱
綫蹴花片似流鶯飛上誰家衣桁弄新聲

點絳脣 菊花蝴蝶

傲骨迎寒淡如人意凝霜圃影憐疎處粉翅迷香雨
蹴遍春花又向秋英舞身輕嫵短籬煙護夢入滕

王賦

高陽臺

輓孫淑人照恒

姚倩

教溥家庭惠沾鄰里熱心如此應希德言容工可稱
四字兼齊方期永舉梁鴻案怎無端含笑歸西最淒
其良範慈恩留與人提從今幼稚絃歌寂痛春蠶
未繭人竟長離月冷房櫳忍教枕畔兒啼況聞幽雅
生成性恨無緣拜識芳儀枉依依一度思量一度歎
歎

燭影搖紅

秋感寄外

理鬢薰衣妝成自把珠簾捲
經旬嬾步出闌前頓覺韶光換
苔長閒階已徧染楓林胭脂深淺
黃花零亂幽徑香殘碧天雲遠
撫景懷人傷時感事柔腸斷
金釵卜盡總無憑祇是添淒怨
愁鎖眉痕不展最難禁黃昏庭院
四壁秋蟲一窗冷雨伴儂長歎

醉春風

七夕

雨過閒庭院一片秋如畫
西風搖曳萬枝蓮
謝謝謝珠簾高捲玉繩低亞
銀河清淺自把沈檀炷花下
深深拜無多心事祝雙星
願願願天上人間良緣美

滿年年今夜

醉花陰

初夏

姚 荳

雨過苔痕添竹院
芍藥紅零亂
半晌倚雕闌
悄囑東風休把殘花捲
惜春已是愁腸斷
離緒還縈絆
杜宇忒無情
不喚春歸
故向儂前喚

踏沙行

裙帶

姚 倩

鳥繡雙棲花描蒂
並低垂
偏稱驚鴻影
燈前無意綰同心
惹他夫婿頻頻訊
欲睡慵鬆含情還整一章
好事心私省
分明蘭夢有徵祥
比來自覺腰圍緊

前調

袖籠

越錦新裁吳綿軟襯溫香一握籠春筍偶隨女伴試
梅妝暫時拋棄還嫌冷翠帶雙垂釧金穩稱捧心
非效西施病暮寒倚竹儘遷延不愁袖薄西風緊

鵲橋仙

民國成立後陰陽曆並用
一年得兩七夕喜填此解

銀河澄淡繁星明滅正是鵲橋初渡畫屏凝睇對牽
牛記曾與花陰攜手柔情如許良宵有限往事漫
勞細數天公着意惜分飛教從此佳期兩度

鬢雲鬆

秋蟲

綠苔平黃葉下窗裏秋聲窗外秋燈射切切慣將人
意惹帶恨連愁訴出多般也待尋來還又罷只有

一庭涼月如煙瀉縱不悲秋聽也怕夢淺寒深絮澈
淒清夜

望江南

人靜也獨自下階墀幽徑香來風細細柳梢月上夜
遲遲小院立多時

菩薩蠻

立秋後一日風雨間作有懷蕙儂姊

纔驚一葉梧桐落離懷頓覺增蕭索風雨更飄瀟吟
魂黯欲消思君愁不寐淚搵紅妝退爲問素心人
秋來瘦幾分

